




18  
19  
20  
21  
22  
23  
24  
25  
26  
27  
28  
29  
30  
31  
32  
33  
34  
35  
36  
37  
38  
39  
40  
41  
42



古492.30  
715  
1122




右

430








嘉慶辛未刊

古物志卷之五



古刻叢鈔

賜進士及第授通奉大夫署山東布政使督糧道孫星衍重編

玉霄真逸陶宗儀

四四

西漢刻石

字闊六七寸許長短不一

建平五年六月郟五官像范功平史石工殷徒要本  
長廿五丈賈二万五千

右西漢刻石廿有九字在永康過紫屏二里許道  
旁乾道丙戌余始得之荒萊中出石三面高卑凸

坳刻隨其勢蓋孝哀時刻也建平止四年明年書  
元壽而不載改元月日豈詔未至蜀時刻耶如孝

元壽而不載改元月日豈詔未至蜀時刻耶如孝

獻初平止四年文翁柱記亦書五年之類也其後

僭叛號建平者凡八皆不在蜀石勒慕容盛慕容德慕容盛

劉義宣魯爽賊王倫五官掾續漢志謂掌署諸

曹事西京末郭唐為信都五官掾見於後書故知

其為西漢刻石無疑西漢字世固罕有歐陽文忠

以未之見為恨從劉原甫得銅器款識數字已為

可寶而不得石刻也今此刻天下漢隸莫先焉乃

不及與集古所錄蓋不幸矣豈無抱道負材之士

不為世知如此石者乎可不為之歎息哉



東漢刻石

字方二二寸許

攻此石省三處閣直錢萬二千永元六年

攻此石省三處閣直錢萬二千永元六年

右東漢刻石十有六字在范功平磨崖之西五十

餘步字畫大小不等而筆意精妙去地數寸剝蝕

甚於前刻模者必偃而可得蜀之漢刻最多此刻

後尊榿閣記卅有八年其次在第三矣甚可愛也

余得前刻後十日小子武仲始見而模本云後五

年太守晉原李公始為作屋護之索余考鑄之石

東萊蔡迨書



漢永初討羌檄

永初二年六月丁未朔廿日丙寅得車騎將軍莫府  
文書上郡屬國都尉二千石守丞廷義縣令三水十

月丁未到府受印綬發夫討畔羌急急如律令

馬世疋驢二百頭日給

右宣和中陝右人發地得木簡一笈字皆章草朽敗不可銓次唯此檄完中貴人梁師成得之嘗以入石米幾梁卒石簡俱亡故見者殊鮮吳思道親觀梁簡故賦其秘古堂云異錦千囊更妙好中有玉奩藏漢草榮坎新吳出也得其撫本以示余按章草今在世益少唯急就章見在并諸帖所傳耳然急就轉撫失真愈遠官帖章帝皇象索靖等書與張芸叟所珍鷓鴣爵賦又率是贗作黃長睿已嘗辨於東觀餘論然則此檄當爲今章草家第一也

米元章淮鱗帖卷內稱章草乃章奏之章今攷之既用於檄則理容概施於章奏豈小學家流由古以降日趨於簡便故大篆變小篆小篆變隸比其久也復以隸爲繁則章奏文移悉以章草從事亦自然之勢故雖曰草而隸筆仍存良由去隸未遠故也右軍作草猶是其典刑故不務爲冗筆逮張旭懷素輩出則此法掃地矣但檄言討羌歲月與史不合此史誤無疑黃長睿已詳辨不復述乾道庚寅孟秋中休命工銀板因識其後陽羨張駒書

 鍾繇帖

戎路兼行履險冒寒臣以無任不獲扈從忝佇懸情

無有寧舍傳方反覆胡脩背恩天道禍淫不終厥命  
奉被嘉熹熹不自勝南蕃東武亭侯臣繇

 墓刻 隸

惟晉元康二年太歲在子承開造斯窀穸丙戶口出  
西左參師圖合宮商是位龜筮易口咸口同吾饗爵  
除殞邪惡奔走干祿百福永施後焉

 王濛帖


濛死罪諸葛僕射之弟以情料之當非至困者欲斂  
其時吏無一在者便以下官賤答之濛死罪

 古刻

 長一尺許

 又

 長一尺許

 宋故散騎常侍揚州丹楊郡秣陵縣謝公墓

誌

祖瑤字球度琅邪 缺十餘字

夫人琅邪王氏 父頤之字脩年振威將軍東海內

史

父珽字景山給事黃門侍郎散騎常侍光祿勳

夫人太原王氏 父坦之字文度持節都督平北將

軍口口口刺史藍田獻侯

宋故散騎常侍揚州丹楊郡秣陵縣西鄉顯安里領



豫州陳缺陽夏縣都鄉吉遷里謝濤字明遠春秋卅  
有九元嘉十八年歲次屠維月依林鍾十七日卒其  
年九月卅日寔窆揚州丹楊郡建康縣東鄉土山里  
夫人琅邪王氏七十有二大明七年歲次單閼月口  
口口十五日卒其年十一月十四日合祔 父靜之  
字口壽司徒缺長史義興太守 祖獻之字子敬中  
書令 嗣曾孫綽



宋故散騎常侍護軍將軍臨澧侯劉使君墓誌

曾祖宋孝皇帝 祖諱道鄰字道鄰侍中太傅長沙  
景王 妃高平平陽檀氏字憲子謚曰景定妃父暢

道淵永寧令祖猷稚羆琅邪太守合葬琅邪臨沂莫  
府山 父諱義融字義融領軍車騎桂陽恭侯 夫  
人琅邪臨沂王氏字韶風父蘭長仁東陽太守祖穆  
伯遠臨海太守合葬丹徒練壁雩山 所生母湯氏  
宣城人葬練壁雩山 兄覲茂道散騎常侍桂陽孝  
侯 夫人廬江瀟何氏憲英父愉之彥和通直常侍  
祖叔度金紫光祿大夫合葬練壁雩山 第三弟彪  
茂蔚秘書郎葬江口口口 夫人河南陽翟褚氏成  
班父方回太傅功曹祖叔度雍州刺史 第四弟口  
口軌太子舍人 夫人琅邪臨沂王氏淑婉父津景  
源中書郎祖虞休仲左衛將軍口口江乘白山 第

五弟季茂通海陵太守韞練壁雲山 夫人陳郡陽  
夏口氏妙口父淑陽源太尉忠憲公祖豹士蔚丹陽  
尹 第一姊茂徽嫡陳郡長平殷臧憲郎父元素南  
康太守祖曠思泰口軍功曹重嫡琅邪臨沂王閔之  
希損鎮西主簿父昇之休道都官尚書祖敬宏左光  
祿儀同 第二姊茂華嫡廬江瀟何求子有口書郎  
父鎮長宏宜都太守祖口之彥德司空簡穆公 第  
三姊茂姬嫡平昌安邱孟詡元亮中軍參軍離父靈  
口太尉長史祖昶彥遠丹陽尹 第四姊茂姜嫡蘭  
陵蕭惠徽中書郎父思詒征西將軍儀同三司祖源  
之君流前將軍 第五妹茂容嫡蘭陵蕭瞻叔文父

斌伯猜青冀二州刺史祖摹之仲緒丹陽尹重嫡濟  
陽圍蔡康之景仁通直郎父熙元明散騎郎祖廓子  
度太常卿 第六妹茂嫻嫡濟陽考城江遜孝言父  
湛徽淵左光祿儀同忠簡公祖夷茂遠前將軍湘州  
刺史重嫡琅邪臨沂王法興驃騎參軍父翼之季弼  
廣州刺史祖楨之公幹侍中 夫人濟陽考城江氏  
景媯父淳徽源太子洗馬祖夷茂遠前將軍湘州刺  
史 第一男曰長暉出後兄紹封桂陽侯 第二男  
旻淵高拜臨澧侯世子 第三男嵩淵華 第四男  
量淵遠出後第四弟寔 第五男曰淵頓 第六男  
晏淵平 第一女麗昭 第二女麗明 第三女小

字僧歸亡葬□□

宋故散騎常侍護軍將軍臨澧侯劉使君墓誌

君諱襲字茂德南彭城人宋高祖武皇帝弟景王之  
穆也神姿韶雅風譽夙懋弱冠拜秘書郎逮二凶肆  
禍人倫道消君身離幽執僅免虎口事清還復舊職  
以母憂去官既除又拜秘書郎轉太子舍人自升□  
二宮令望允績出爲鎮蠻護軍廬江太守莅政平簡  
聲績兼著遷明威將軍安成太守屬中流構豐四表  
迷逆君英議獨發招會如神故能以一口之旅剋濟  
忠節義超終古誠冠當今皇朝欽嘉爵賞取榮除輔  
國將軍郢州刺史封建陵縣開國侯俄徵太子右衛

率加給事中未拜遷侍中冠軍將軍改封臨澧縣開  
國侯鎮肅石頭實當關要之寄遷左衛將軍未拜仍  
除中護軍春秋卅有八泰始六年三月十日薨於位  
聖主嗟悼朝野傷悲有詔故中護軍臨澧縣開國侯  
志行貞純才用理濟忠勤著於艱時勲績倡乎泰運  
年志始壯奄焉凶折悲傷惻割實兼常懷思加寵數  
以申哀榮可贈護軍將軍加散騎常侍□如故謚曰  
忠侯粵五月廿七日庚寅將葬于琅邪之乘武岡以  
悲幽明之殊隔傷一訣而永分仰清徽而攬淚係元  
石而裁文其辭曰

峩峩□□山岳效靈允矣君子誕膺休禎支蔭帝宇

締慶文明德以行高仁與□□□華二宮官政兩服  
國步時屯艱難斯屬忠則忘家義實光族朝廼欽庸  
以□□□□望既歸□寵惟□或侍帝言或司蕃戎  
方宏乎美□□家邦如何不□□□躬□芳稍述  
日月有時考辰筮吉元堂啓基浚泉永窆□□長悲  
□□□□□□□□□□

宋張氏墓誌

宋故臨渭縣侯湘東太守張府君諱濟夫人邱氏諱  
靜姬第三女推兒春秋卅有一亡於偏憂元徽元年  
十月甲辰十七日庚申權假窆於西鄉

遠葉蘭飛浚源璇潔履順早辰含章妙歲選史圖容

循詩範節皎鏡冬泉優柔春蕙澗北忤行營東慙藝  
冥昧慶善宵翳壽仁泣血實性團憂殲身罷景方旦  
摧華載春壠木已藹墓草行陳朱火幾爛元夜無晨



石佛識

齊永明二年甲子太歲甲子四月廿日弟子紀德眞  
爲亡弟僧惠敬造釋迦石像追往悼心泣淚友愛願  
僧惠齊神離苦永與福會七世亡靈同生淨土見在  
眷屬長保吉□家門雍睦子孫昌熾願願果遂亨善  
無窮 使蜀於涪陵喪思寺就穎法師造



康王神道碑

康王神道碑

字長五寸許



故永陽敬太妃墓誌銘

尚書右僕射太子詹事臣勉奉

敕撰

永陽太妃王氏琅邪臨沂人也其先周靈王之後  
自秦漢逮於晉宋世載光□羽儀相屬既以備于前  
志故可得而略焉祖粹給事黃門侍郎父儼左將軍  
司馬尋陽內史並見稱時輩太妃體中和之氣稟華  
宗之烈蹈此溫恭表茲淑慎孝敬資於冥發仁愛□  
於自然至乎四教六訓之閑工言貞婉之德無待教  
成罔不該備故景行著于中□淑問顯乎言歸作嬪  
盛德實光輔佐親縫幕之用躬服澣之勤及早世釐

居遺孤載藐提攜撫育逮乎成備斷織之訓既明闔  
門之禮斯洽劬勞必盡曾不移志用能緝睦于中外  
亦以宏濟乎艱難雖魯姜之勤節曹妃之敬讓方之  
蔑如也皇業有造殷憂啓聖追惟魯衛建國永陽恭  
王纂嗣蕃號式顯迺拜爲太妃策曰維天監二年六  
月甲午朔十日癸卯皇帝遣宗室員外散騎侍郎持  
節兼散騎常侍蕭敬寶策命永陽王母王氏爲國太  
妃曰於戲惟爾茂德內湛米範外昭國序凝芬蕃庭  
仰訓是用式遵舊典載章徽服往欽哉肅茲休烈可  
不慎歟備榆瑱之華而降心彌約居千乘之貴而處  
物愈厚旣而恭王不永禮從□□訓導嗣孫載光榮

社年高事重志義方隆宜永綏福履而奄奪鴻慶以  
普通元年十月廿三日邁疾十一月九日己卯薨於  
第春秋五十有九詔曰永陽大太妃奄至薨逝哀摧  
切割不能自勝使出敘哀可給東園秘器喪事所須  
隨由口辦祖行有辰式宏茂典又詔曰故永陽大太  
妃禮數有殊德行惟光訓範蕃嗣式盛母儀即遠戒  
斯悲懷抽割可詳典故以隆嘉謚禮也粵其月廿八  
日戊戌祔瘞于琅邪臨沂縣長千里黃鵠山用宣風  
烈以昭弗朽迺爲銘曰

清瀾悠邈其儀尚矣龍光疊照風流世祀猗歟因置  
於昭不已誕資仁淑作嬪君子幽閑表操明德自躬

推厚處薄秉默居沖參差採芼揜暎言工鑿昭彤管  
識懋休風凝芬載湛芳猷允塞徒舍爲訓止閭成則  
曹號母儀豈伊婦德穆茲閨闈形于邦國龍飛集運  
禮數攸鍾憲章盛典車服有容泰而愈約貴則彌恭  
蕃祉方茂纂嗣克重巾帶差池朝夕咸事雖曰任傅  
永請斯備是惟仁姑厥德可庇恂恂濟濟蘭芬瓊秘  
光陰易晚祺福難畱閨儀罷映綸華奄收翼遷朱邸  
駕指行楸芳口是勒大口方攸

上清真人壇碑

上清真人壇碑

字長三

寸許

孝敬寺刹下銘

并序

宗士標造

夫妙覺靈遠隨方應現衣瓶影迹資以護持髮爪齒  
牙咸能利益孝敬寺者公上璣爲亡母楊叔女之所  
立也波斯請生悲號靡贖日碑觀畫泣血寧追即以  
三從之居建爲伽藍之地舊井無遷喬木猶在前瞻  
綺陌卻背青門寶殿霞臨長廊霧繞寺初欲豎刹導  
倉令鉏曇誕忽有雙舍利降之放光滿室止取得一  
舍利璣訖就曇誕云已奉送還臺於御前分身爲六  
後數日中夜忽聞鐘鳴驚視復得一舍利寺主禱法  
師夢人謂之曰法身尋降俄而曇誕送舍利并諸處

所送其數有八大同六年太歲庚申五月十五日壬  
戌建刹四衆圍繞歌頌成羣綵鳳珠旛含風曜日與  
大地而長存隨賢劫以永久乃作銘曰  
寘智絕境應有權歸譬空無迹指日齊暉寶舟潛運  
法雨隨機分形散體調御歸依聿造應真規摹踊現  
雕飾彪炳丹青葱蒨寫彼金園圖茲紺殿猗歟清信  
惇孝斯在追慕愷風安親慧海福善隨積薰脩無改  
陵移谷徙暑往寒來衣砒貞石池變淡灰長辭八難  
永離三灾衆生有盡誓願無回

又志

梁大同六年太歲庚申五月十五日壬戌菩薩戒弟

子公上璉奉爲亡母□□女捨所居宅□僧伽藍皇  
帝□賚名孝敬寺願諸佛菩薩龍天□神常加護衛  
寺舍安立僧衆□□證明弟子雖建立功德藉此善  
根七世久遠眷屬冢墓寧貼□亡殃殛永使斷絕同  
生□方無量壽國沐浴□□□□通寤无生忍六  
道四生皆得解脫共登菩提入正覺路現世兒孫長  
幼並願安隱無餘煩惱郭碍□中妙願皆悉果遂  
知寺事□□釋法構

**十四**

前陳伏波將軍驃騎府諮議參軍陳府君墓

誌序

儀同三司周彪撰

君諱詡字孟和潁川許昌人也鴻基浚序有虞之苗

□若夫姚墟誕聖媯汭降神四門穆穆八表光禪商  
均不嗣周晉胡公封建于陳因□命氏鴻臚元方榮  
書魏冊徵士季方高著先賢自下蟬聯並肇繡言史  
祖僧亮神情淡遠素風高竒齊輔國府行佐父敷風  
儀峻懃雅有綱格歷至前梁儀同君幼而聰敏長而  
好學博覽百家漁獲九部懸梁刺股手不釋書天才  
雋拔思若有神文章□□動成部帙景純五色之筆  
江淹用之麗藻王充五行俱下都市稱爲□□有集  
廿卷爲世所重起家爲岳陽王雍州西曹轉府記室  
梁國蕃周將佐送款武成元年授帥都督衛州東征  
王師失律軍潰陷陳同旅督將七十二人並囚俘檻



屬陳相王曇頊初秉朝政虐示國威縱情好煞於望  
國門並害諸士君於刑所附啟自陳蒙荅貫死漏刃  
獲生俄而釋禁策名預宦授招遠將軍加伏波將軍  
俄遷驃騎府諮議口國云亡總管秦王招賢慕士迎  
還并州客禮厚遇辭老還鄉第二息孝騫昆季男女  
久違膝下忽奉慈顏悲喜不勝如從天落相率盡養  
日膳常珍則儀狄九醞何曾百品恣口釋心意恬如  
也同畢卓之酣歌慕阮孚之任放達無遣有識假歸  
真所製終制非秦始之高墳是王孫之羸葬乃遺命  
送終唯令儉薄不許立銘開皇廿年九月廿四日卒  
於檀溪里時年七十六五男五女男則孝悌著聞居

喪過禮女則柔和顯稱婉婉聽從以其口口十二月  
丙辰朔十八日癸酉歸葬高陽鄉之舊山式鐫序誌  
用傳不朽



碑陰

君第七叔爽字寶明州祭酒從事 妻太原王氏

第三叔子暢字彥舒法曹從事 妻熒陽吳氏

第五叔孝遠字祥敷梁鎮北府法曹參軍使持節

驃騎大將軍開府儀同三司口江口口口 妻

故章施氏並未入此山

第二弟言字仲厚

第三弟譯字季辯未入此山 孝騫所生李夫人

長息孝柴早亡未入此山 第二息孝騫字裕閔

第三息君卿字闕護 第四息曜口字宏奐

第五息五敏字稚文 第六息思帖字幼集

長女禮閨適梁故儀同郭仲方息元預

第二女藏閨適陽平郡守大都西門忠息瑱

第三女敏閨適明威將軍文昇

第四女四閨適江東長沙王府法曹參軍王不嚴

第五女善才心願出家安居大嚴淨寺

君妻琅邪諸葛氏

江夏縣緣果道場七層磚塔下舍利銘記

夫至理空冲尋求之源悠緬法身寂怕無方之應奄

臻至如花疊未然駐影留髮香薪已燎散體分形故  
有寶塔珍龕罪鬼四圍之上雲興地踊照曜八國之  
中俾我聖迹未之湮墜緣果道場者梁天監十二年  
太歲癸巳長史劉端捨宅爲寺有命過僧歸闍梨盡  
心建造闍梨降自江口氏族未詳戒慧總持甚有靈  
驗於是鴻基勝趾締構日新三業薰脩七財具足以  
今大隋大業九年昭陽之歲江夏縣緣果鄉長劉大  
懿等遵依敕旨共三鄉仕民奉口口齊興道場七層  
磚塔一所安鎮此地次有清信弟子黃慧鵠慧俊慧  
達等兄弟並德口佳雅難兄難弟誓立五根願宏四  
事於所住宅福瑞累彰亡父於大業三年二月乃於

食內感舍利一枚大小相歡覩茲希有安止水器且  
浸且浮旋遶久之光明遍室頂戴虔禮日申供養到  
七年正月俊女鷄娘又感二枚斯實迹現難思抑聞  
圖籍次有弟子李藥王信首宿馳賢才簡疋雖室無  
瑞井手闕金錢每用放濟居心傾捨爲業以開皇廿  
年行至常州境感舍利一枚到大業五年於所住宅  
又感二枚昔者阿難捧函如來讚其希有康會瓶寫  
吳主嗟其神異詢諸經誥今古同符以今季夏六月  
八日奉送散身永窆基下衆緣贊助普設大齋方俟  
七級巍峩接霄房而颺采九盤煜曜寶鐸韻而流聲  
上資帝朝爰洎遐邇設使芬盡方城五分之身常住

石銷天袂金剛之地嶷然敢忘議善乃爲銘曰

茫茫宇宙悠悠世間九地銜海四口口山三塗有獄  
五道無關魂隨動泊識口循還至聖何像嶷爾悒悒  
示現無方迦維垂迹等救燒燃通悲幽溺息衆權城  
椎輪火宅八十化盡天人喪師撫膺雨淚香水口毗  
四王典護八國均持機緣靡隔靈祥俟時坊墳式建  
層表臨空非因鬼力詎假神工金盤仰露寶鐸搖風  
山移川徙徽業興隆

八

大唐故汝南公主墓誌銘

并序

公主諱字隴西狄道人皇帝之第三女也天潢疏潤  
圓折浮夜光之采若木分暉穠華照朝陽之色故能

古刻叢書  
五  
聰穎外發閑明內映訓範生知尚觀箴於女史言容  
成則猶習禮於公宮至如怡色就養佩帨晨省敬愛  
兼極左右無方加以學殫縉素藝兼罄絜令問芳猷  
儀形閨闈八年八月有詔封汝南郡公主錫重珪瑞  
禮崇湯沐車服徽章事優前典屬九地絕維四星潛  
曜毀瘠載形哀號過禮繭纈不襲壇酪無茲灰琯亟  
移陵塋浸遠雖容服外變而沈憂內結不勝孺慕之  
哀遂滅傷生之性天道祐仁奚其冥漠以今貞觀十  
年十一月丁亥朔十六日

故祭酒崔十八丈綽常與冠章賀拔基皆以鑒閱  
相尋每稱伏膺虞書多歷年所自會昌已來時觀

斯帖因致其真隸有加頃年崔丈每送余弟兄下  
第東歸必云此去獲見汝南帖其何滅於昇第耶  
所惜者闕其銘文耳咸通三年春於存神室輟獻  
子凝良足潛愛也幾元

虞書世所傳者孔廟記耳此帖遂可抗行河東薛  
紹彭題

大唐故陪戎校尉崔府君墓誌銘 并序

君諱相清河人也神農之苗胄太公之允緒原夫魚  
吞呂鈞應同載以歸周龍躍崔津表嘉名以誕慶曾  
祖瓌隨任鄭州司馬祖罔父觀隨任豪州錄事參軍  
或六條布政揚至德以宣風或千里輔仁翊公平以

闡化君高門華緒閒氣清姿倚桐吸日月之光松柏  
挺風霜之節方冀南山錫壽永駐顏齡北帝遊魂先  
悲過隙嗚呼哀哉以開元十年二月廿一日終於私  
第春秋六十有八夫人丁氏蘇氏李氏並母儀婉順  
婦德惠和移鄰之慶早彰舉案之驩夙備庶期千月  
壽保百齡冀椿鶴而齊年奄菌螭而等謝越開元十  
年三月八日合祔於村西北二里平原禮也左榮澤  
右成臯峨峨飛嶠鎮其前滔滔黃河灌其後嗟乎玉  
樹雙埋金聲兩絕白日杳而三千歲黃泉深而幾萬  
重悲風起而松柏哀淒露泣而蓬蒿泣嗣子待賓等  
瞻天靡訴扣地無追長縈銜索之悲永結飡荼之苦

銘曰

東光不駐西影彌催崑山玉碎蘭苑香摧元宵易掩  
白日難開母儀夙備婦德早彰匣中劍折鏡裏鸞亡  
乾坤載合琴瑟重張森森翠柏騷騷白楊千秋播馥  
萬代流芳

大唐故忠武將軍行薛王府典軍上柱國平  
棘縣開國男李府君墓誌銘 并序

工部員外郎賈彥璿撰

君諱無慮字忠春隴西人也昔月貫于昴咎繇誕而  
邁德氣感流星伯陽生而啓聖惟彼降瑞因茲命氏  
曾祖貴隨大中大夫延州刺史涼國公皇降封隴西

公任切分憂寵加勞理朱旗映日皂蓋生風屬隨室道喪我唐天啟疇庸錫壤俾崇舊勳封以隴西昭其業也祖斌皇銀青光祿大夫隰吉二州刺史襲封隴西公□□高□御下以寬洗憤清心不言而理襲封本郡昭其祚也父□道皇金紫光祿大夫汾州刺史股肱之郡公輔之材克著政□尤□人望遷鎮軍大將軍左驍衛大將軍上柱國襲封隴西郡公武庫森森縱橫矛戟智囊□□□風雲煥乎鉤陳設在蘭錡乃祖乃父自公自侯昭其貴也君衣冠奕世禮樂□賢慶藹炳靈光昭茂緒大君有命入衛天和階□□呈祥仲由負三軍之勇□領標異班超封萬里之

侯弱冠於清邊軍立功授游擊將軍左衛長上明略經濟雄心英果剋清祿孽飲至天庭師出以臧功宜上賞朱紱斯曜可不偉歟無何轉授鄜州鞏川府右果毅時關內按察使強仁以君幹蠱奏攝會州司馬又改授同州洪泉府左果毅仍令長上一貴一賤喜愠不形於色或出或處寵辱無戒於懷位□題輿□申龐統名參都尉負屈曾洪有敕差充□野軍副使舉不失德勤不告勞展充國之務農輟揚雄之執戟軍儲是給□馬賴焉尋爲太原節度使李勗奏授薛王府典軍蔽扞雄城趨侍□□每入招賢之觀時陪樂□之遊習習雄風和而扇物粲粲□□寵而益□

青春始華元夜閱景歲不我與天奪其運以開口十年五月七日終於靜恭私第春秋六十有二以其年六月十一日歸葬於萬年縣神禾舊京陪先塋禮也嗚呼哀哉賢王端憂故人嚶泣垂天之翼必鏤於紫霄經國之材俄解於白日遂使瑤林瓊樹瘞松草於佳城龍章鳳姿沒風煙於口口嗣子口庭等孝履增感攀號無訴恭陳遺事俾刊豐石銘曰

公侯之子兮累代其昌河岳之秀兮爲龍爲光克岐克嶷兮發言有章立功立事兮厥政其芳天何爲兮速罹其殃哲人萎兮爲代所傷飛旄翩翩兮出帝鄉素車透遲兮面龍岡閉以大隧墜於便房勒勳鍾鼎

畫像旗常日黯黯兮愁欲暮風蕭蕭兮悲白楊

冊八 井識

韓公井

闊六寸許

在驛東卅步楚昭王廟西神嘗恠焉古今莫敢窺者近日山南採訪使韓公誓責其神親酌而飲自爾汲者一無災癘遂號韓公井

冊二 唐徐氏山口碣石題刻

至德二年在鳳翔制應扈從口口中書門下口口口口上各贈父祖一人官口口口口任中書舍人兼尚書右丞集賢殿學士正月廿八日制贈公尚書吏部侍郎及上還京廣德元年八月廿一日制復贈公嗣子

故銀青光祿大夫洛州刺史上柱國嶠之左散騎常侍洛州府君歷典趙衢豫吉湖洛六州開元廿四年薨葬于洛陽石橋東北十里浩自吏部侍郎貶明州別駕歸鄉拜埽換山口碣石題此額篆仍錄贈官其敕詞並存於別記云

大歷九年歲次甲寅十月丁卯朔六日壬申刻

曾孫朝散郎前行河中府永樂縣尉瑄模勒

姪孫璟檢校

隴西李坦然鑄

四十一

題詩

五言

寶林寺作

會稽公徐浩

茲山昔飛來遠自琅耶臺孤岫龜形在淡泉鰻井關

越王屢登陟何相傳詞才塔廟崇其顛規模稱壯哉  
禪堂清澗潤高閣無恢奘照曜珠吐月鏗轟鐘隱雷  
揆余久纓弁末路遭遭迴一棄滄海曲六年稽嶺隈  
逝川惜東駛馳景憐西頽畧帶愁疾減容顏哀悴摧  
賴居茲寺中法士多瓌能洗心聽經論禮足蠲凶災  
永願依勝侶清江乘度杯  
謁禹廟一首

畎澮敷四海川原滌九州既膺元圭錫乃建洪範疇  
鼎革固天啓運興匪人謀肇口宅土業永庇昏墊憂  
山足靈廟在口前清鏡流象筵陳玉帛容衛儼戈矛  
探穴圖書朽卑宮堂殿脩梅梁今不壞松祜古仍畱



負責故鄉近竭來申俎羞為魚知造化歎鳳仰徽猷  
不復聞夏樂唯餘奏楚幽婆娑非舞羽鏗鞳異鳴球  
盛德吾無閒高功誰與儔災淫破凶慝祚聖擁神休  
出谷鸞初語空山猿獨愁春暉生草樹柳色暝汀洲  
恩貸題輿重榮殊衣錦遊宦情同械繫生理任桴浮  
地極臨滄海天遙過斗牛精誠如可諒他日寄冥搜

李坦然模勒并鐫

二詩舊以一石反覆刻之為好事者持歸京師今  
在宣獻宋公家僕領浙東從次道得刻本命筆史  
摹傳畱寘郡齋然亦不能盡得其真熙寧己酉秋  
七月辛未精思堂西軒題

鳳

世

唐故朗州武陵縣令博陵瞿府君墓誌銘八分書

府君諱令其先本博陵越人也蓋帝嚳之末裔

□□□□晉永嘉二年遷于南楚曾祖詮皇長沙  
縣令大父□□□□軍考曰智皇國子助教  
纂承儒業□□□□向二百年□□夫人南陽張氏  
世傳冠蓋奕葉簪纓府君則國子監助教第二子幼  
而孤天□□□弟更相誨訓未嘗住師□歲業成各  
登□第府君以□□解褐曹州棗氏縣□□□  
仕標□邑□□元年遷峽州長□□□百里稱賢頌  
□□□大歷□□□安州雲夢守節奉法猾吏秉心  
貞元歲授朗州武陵去獸逾□遁亡□□從官四任

古刻叢鈔  
三

□政大夫以□□字人□稱其善公庭訟息□館□  
□慎始令終府□□□武陵謝秩東告于歸南維舟  
衆人瞻仰凡廿八載守道□仕何圖皇天不弔降此  
哀禍嗚呼元□何昧□□材賢時貞元十二年龍集  
□子三月邁疾七月庚寅□于□縣私第夫人廣平  
程氏令淑有聞威儀組紉敬事□先姑□□□以大  
歷年先府君而終府君享年七十有八有子三人長  
曰棚官至左衛兵曹參軍次子侄鄂州武昌縣尉少  
曰侶□州□□縣尉孤子棚等□茶淚血號訴聞天  
視庭戶而蕭條覩空堂而寂寞長幼孤露一門無恃  
以其年十月四日遇青□之吉歸祔于鄂州江夏縣

長樂鄉順化里黃鶴山西□之原禮也孤子棚散□  
亂□號泣□銘謹以爲誌銘曰

於戲□□□著則其一積善于家肅穆清華其二克儉  
克勤榮祿□親其三四從歷□一門承蔭其四天道何昧  
降斯災害其五神道胡欺邁此禍□其六冀□眉壽皇天  
不祐其七庭闈蕭索孤幼無託其八驚魂慘色哀號罔極  
其九痛割心腸仰訴穹蒼其十壽堂侄啓遵其經禮十一

□□土□刻□古

二十

孤子棚述并書



唐故寧遠將軍守左金吾衛大將軍隴西李

公墓誌銘

并序

從姪鄉貢進士藝通撰

夫爲淳源支流一派後楫先軌者蓋紐宗子相襲焉  
由是士口時望局扇和風昔附載簡書何必獨於前  
聞也公諱宗知字同系臨汝郡人曾祖蘭州刺史日  
周祖朝散大夫嘉州麟遊縣口瑱考朝議郎泗州虹  
縣尉援本以敦序口祖訟訓於孫忠孝口時衣冠及  
位公暉亮取時宏性測核勵躬祇廩克事滯窮固能  
并仁緝家兼難濟國摻節俾摺拖義爲紳常以顯口  
口口隱融清猷與友生評談志非苟進會干道並泰  
則何宦而口口白董武崇階摠兵六郡樹勲江佐恩  
旌一門口口宗族處朝襄交在位隙伺內薦冀乎政  
名中年達身口人所貴而公植其風忽遺其命也時

貞元十三年歲次丁丑口二月二十九日終於夏口  
官舍嗚呼春秋六十有二夫人汲郡康氏毀躬慟號  
殆不全性長子德方次子直方宏方季子幼方等主  
奠彌天哀罹若滅長女適於河南元氏先公之淪次  
女十六娘已許於天水趙氏幼女十九娘歸於釋門  
皆茹泣貫心口於感巷以是年夏五月十一日權殯  
于長樂鄉黃鶴原西山之陽禮也於戲條榦挺空而  
見摧君子不幸於中口所以口口旌將必竭於生  
誠藝通忝殊眷孟伯之子恭命爲詞口口口敢不  
殫於瓌述銘曰

杳杳邃氣澄澄汪容自仁其性飾已惟邕顧巖作度

□□□□其一噫云夢奠倏歎頽梁隳輪阻轍彫翻沉  
朝代□馳□□□□其二彰<sub>其</sub>曙興神輦告赴原塋却負

山勝前據郊平□□哀□□□至情<sub>其三</sub>



唐故許氏夫人祈氏墓誌 并序

夫人字芳太原人也先伊耆氏之胄封爵列位皆附  
舊史故隱顯不言因遠祖居毗陵今為毗陵人也祖  
觀父昇並高尚雲林獨立不懼積慶儲趾是生夫人  
夫人即昇之長女也年始初笄歸於許氏輔佐君子  
協和中外其儀可範其德可大貞順模於九族婉婉  
美於當代嗚呼上天而假其德不假其永世之壽是  
足可悲以貞元廿年七月三日寢疾卒於□孝鄉唐

昌里之私第春秋五十有二以貞元廿一年孟春月  
三日安厝於震澤里之原禮也夫人生二子長仲宣  
次仲康並哀疾悚心窮號泣血懼山谷之遷變乃勒  
刻石而為銘

振振夫人有德有操積為善慶自己所蹈彼蒼何偏  
而不斯報□□□吉永閉荒□二子泣血罔極昊天  
慮日月之□遷乃刻銘於墓前

鄉貢明經李師聖述



大唐故太白禪師塔銘 并序

胡的述并書 學鍾

禪師法號觀宗得姓雷氏東陽人也世積貞隱元泯

不耀初尊夫人夢吉祥天女引行摩利上宮而娠太  
白焉口有善護懷月不薰不腥肌窈彌澤藏珠川媚  
蘊玉方流至寶處而殊倫至人出而體別異香襲乎  
襁褓童顏清乎冰雪文字進誘偏聰佛經滋味筵之  
但甘鹽素年至十二懇求出家如哀者欲淚不可遏  
也昔太子逾邁寧辭父王香爲頓騰擺落羈繼乃登  
秦望山禮善惠禪師求無上法一見竒秀如會宿心  
舊徒門階新我堂室服勤左右道務精微初受楞伽  
思益等經便入禪宗性海然後波瀾秘藏不習而了  
其功文字有窮生知莫際囊鉢衣被遐求戒珠便往  
南岳禮制空禪師稽首論心演通秘奧菩提樹上汝

得新枝師子座前詎量高下祖師傳教南北一十二  
人今牛頭山中禪師是最後者遠將啓慕研復眞言  
以心印心以法證法法且無別心寧有差夫大善無  
脩頓了無入二際清淨佛何聞然禪師見出常倫挺  
秀八尺時牛頭法衆欲近万人無礙辨才口口瞻仰  
彼土緣盡思歸太白上方務安靜也不遊京國遠名  
利也扁不關鍵示無畏也常有兩虎依臥庵前低目  
輕步馴於家畜四境之內不聞暴聲我蘊大慈力感  
羣物諸毒皆善豈唯獸焉山雖高深不能隱其大德  
遠近禮謁如川之流故明州刺史王公術故明州刺  
史李公岑故劔南東川節度行軍司馬檢校戶部郎

中任公侗故明州刺史盧公雲前後皆駐騎雲根稽  
求上法飢渴無量虛往實歸每有異香聞者非一鳴  
呼孰謂法梁將壞般若舟沉元和四年八月十五夜  
跏趺化滅享齡七十九僧臘卅九以其年十月一日  
權開於太白峯南先意也州尊邑尹祭奠交衢緇素  
齋口幢幡翳野慈雲聚而還散定水咽而更流猿鳥  
悲吟聲慘風雨物感如此人哀可知抵元和乙未歲  
建層龕邇於多寶佛塔依像法也門人口海法常道  
真明徹惠見光獻元徽清瑗元悟等皆承師教戒定  
慧雙脩恐劫火重然嵐風碎岳請銘大德於無朽文  
曰如來示滅教畱秘法言說非傳清淨即合火鏡陽

照山空響答其一真乘無相妙覺無形三界上界前生  
下生月虧魄隱冰泮流清哭之香塔徒傷有情 口

口口力季文鐫



唐故江南道觀察判官監察御史裏行太原

王公墓誌銘

并序

表姪前諸道轉運推官將仕郎  
試大理評事許志雍撰

公諱叔雅字元宏太原祁人也其先食采於祁因邑  
命氏軒蓋蟬聯奕葉口茂忠貞孝友史不絕書素風  
懿範繼華紹烈誠有國之柱石爲令族之領袖五代  
祖祐周驃騎大將軍開府儀同三司光祿卿隋拜司

空兼中書令諡曰忠烈忠烈生皇朝比部郎中資州  
刺史師感公之高祖也資州生朝請大夫澤王府司  
馬清源縣開國男守節公之曾祖也清源生渝州刺  
史贈懷州刺史曰一公之王父也懷州生金紫光祿  
大夫試秘書監兼御史中丞衢州刺史贈揚府大都  
督諱承俊公之先考也以中書之勳烈比部之令望  
清源之宏茂懷州之懿德中丞之雄邁世濟其美慶  
鍾後昆公即中丞第四子也弱不好弄幼而能文一  
見不忘有類王充之敏五行俱下不慚應奉之才爲  
善孜孜小心翼翼恭敬以奉上篤愛以臨下接士必  
盡其材脩己不疵於物於是鄉里指其仁朋友伏其

義時秘書郎嚴維有盛名於代雖以公年幼交契老  
成若蔡邕才重拔王粲於弱齡李膺望崇歎孔融於  
稚齒嘉其至性敦重機口淡邃每器而厚之時攜幼  
弟適郢乃賦詩以贈云萬里天連水孤舟弟與兄時  
屬而和者連郡繼邑染簡飛翰暮月不息繇是聲華  
籍甚於公卿閒郡舉進士纔及京師動日屈指傾蓋  
結轍爲禮部侍郎劉太真淡見知遇再舉而登甲科  
浹辰之間名振寰宇俄爲山南東道嗣曹王臯辟爲  
從事丁太夫人憂服闋調補左衛率府兵曹參軍環  
衛望高以優賢也未幾爲嶺南連帥韋公丹舉列上  
介表遷左金吾衛兵曹參軍蓮府才雄軍門瞻重每

口徐孺之榻獨奪陳琳之筆屬本使節制東川府幙  
遂散邀公獨行奏遷廷尉評兼監察御史府公再遷  
慈晉俄領江西復隨鎮拜監察御史裏行以南康缺  
牧假行刺史事盡閭里之情祛疲繭之疾人得歸厚  
吏不敢欺歲月之間口口增口復口臨川口南郡之  
理仁風所被清議攸彰無何寢疾經時沉痾以元和  
四年正月七日告終於洪州南昌縣之官舍春秋五  
十有五嗚呼哀哉以公之孝可以動神明以公之忠  
可以口社稷以公之德可以反澆漓以公之仁可以  
厚風俗有一於此即爲全人況其口者乎奈何天不  
與善奪口重器民不幸歟時不幸歟夫人河東薛氏

故禮部侍郎口口之女族謂清門家稱令室以口謙睦  
中外以端口奉口口公以伉儷之重加於人一等如  
賓之敬禮若常林居家有恒情如顧悌由是時論多  
之有一男一女男曰高陽女曰吳婆皆在孩幼哭無  
常聲公雖臨郡佐幙以清潔自約祿俸所入皆均親  
愛故不勝其貧輻車既還亦無以葬于時口南西道  
連帥御史大夫韋公丹以公賓四府始終如一感歎  
追舊情均支屬賻貲百金如以將校護喪聞者伏其  
高義以其年十月十三日歸窆京兆府咸陽縣之延  
陵鄉祔先塋禮也此志雍親同懿屬義比斷金見記  
斯文銜哀永歎銘曰



汪汪王公德門之秀儒宗賢士茂族華胄忠爲信臣  
義稱良友器逾瑚璉人推領袖何備其能不豐其壽  
嗚呼哀哉歲月云邁言歸鎬京綿歷舊遊想像襟情  
倏已終古閉於佳城蒼莽日落蕭颯風驚寒原故里  
丹旄新塋嗚呼哀哉盛德無窮傳今與昔閱於元壤  
斯茲貞石陵谷是遷令問不易泣下漣洏氣填胸臆  
嗚呼哀哉

猶子鄉貢進士楚卿書

大唐扶風馬氏墓誌銘 并序

廿三娘郎姹姹扶風人也故侍中太原尹子曾王  
父故太子諭德兼兵部郎中子大王父故鄂州州從  
事子之先父也子生於珥貂之家育在紈綺之室筭

年廿歲灼如薜英期偶適耀□□我後嗣何華而不  
實祉福不臨以元和八年七月三日洪水蜀來浸溢  
夏納合郭爲患顧此之遂假官航以虞墊溺豈家臣  
失沂馮夷幸災巨舟云覆相次淪沒嗚呼慈親腸絕  
天倫氣摧存歿路殊終議元隧以元和八年八月四  
日窆於先父塋側禮也恐陵遷徙乃紀銘云  
伏波有女青娥艷陽馬氏有男白眉最長於□□□  
彼天何殃豈春華之暉景同淪歿於舟航嗚呼生則  
同氣歿爲異穴捨慈親之恩愛侍先父之塋闕痛纍  
纍之古原□□□之永訣

唐故東莞臧君夫人周氏墓誌銘 并序

進士張師素撰

夫人姓周氏其族望本乎汝南今爲陽羨中江里人也祖莊父俊皆不尚名宦抗跡邱園孝悌謙恭仁行昭著夫人淑慎貞賢溫柔令範自禮歸臧氏之室而琴瑟協和遵孟氏之風規有班家之令譽嗚呼元穹降禍大夢忽臻未借知命之年奄促泉臺之痛以元和十三年歲在戊戌三月四日終于義興平西里之私第享齡四十有四亦以其月甲申廿六日己酉安厝于中江血瀆東北之平原周氏祖業之園地蓋從龜筮也有子曰奉言始童卯有女二人長未及笄俱號訴之無依恨慈容之永隔恐桑田變易陵谷傾頽

故勒紀貞石乃爲銘云

雙劍光芒兮嗟一沉鳳歸杳冥兮鸞孤吟撫稚子兮  
淚盈襟悲壠樹兮愁雲淡



唐故河東裴公墓誌銘

并敘

前鄭州滎澤縣尉王鉅撰

公諱昌字仲運其先河東人也保姓受氏其來遠矣  
洎永嘉之年衣冠南渡風流遺烈代有其人禮樂摺  
紳顯子家謀曾祖元凱祖明達父仁安並徽懿盛才  
昭振前列望高族茂勲華貫時公即府君之第二子  
也稟淳和之性有堅貞之操以德行立身以仁信交  
友志尚閑逸不以祿利爲榮是以不屈節折腰耽玩

琴史實朋執之龜龍仁物之衡鏡隱淪混跡洞達窮  
通道在其中矣於戲有至行不享其福壽者其斯之  
謂歟以元和十五年正月十七日遇疾終于長沙郡  
湘潭縣之江次享年八十五嗚呼夫德立而人世不  
稱行成而幽靈無報短長之制命耶以先塋松柏陪  
葬尚賒禮許從權乃於上元縣鳳臺鄉梅頂岡之東  
北原別建先域以其年八月二日權窆焉從吉兆也  
夫人吳郡朱氏淑慎忠厚行成閨門內政有敷義光  
詩史有子五人長曰興次曰幹次曰超次曰孚詩禮  
垂訓教及義方識度自然哀不逾禮幼子曰祐先公  
而亡有女二人長適彭叔雅次適蔣幹皆蓄令德事

舅姑有聞蔣氏愛女早謝浮榮亦先公而卒令子慮  
陵谷遷變見託斯文採摭行能勒銘貞石其詞曰  
於惟裴公凜然循德在醜不爭惟人是則樂天知命  
道達通塞栖心雲水處事寂默泐漢沂江東西南北  
其一天胡不惠哲人其萎大樸已散淳風不歸丹旒翩  
翩新隴巍巍泉門一閉與此山垂其二

**題名**

張公洞壁記

楊漢公 陶揆

長慶四年六月廿六日

又

東坡居士自黃適汝艤舟亭下半月矣江山之樂傾

想平生時與口德口口口元豐七年七月十四日蘇子瞻題



又

前檢校戶部郎中兼興元少尹攝御史中丞賜紫金魚袋楊漢公

嶺南觀察推官試秘書省校書郎鄭薰



又

臨川王彥登千佛口

大和七年六月

沈傳師

蘇鎰

可飛

治平四年九月

可飛

